

Kōmelim eo an Oregon 1115 ñan Kōmelim Wāween ko Rekāāl ibben Medicaid: Juon Ial ñan an Ejellok Kalijeklok ilo an Aoleb Ebōk Jibañ in Ejmour

Ewōr an Oregon ien ñan kōjeral ablikajon eo ej beddo tōk 1115(a) Kōmelim ñan Teej Wāween ko Rekāāl ibben Medicaid einwōt juon ial ñan kōmman bwe en ejellok kalijeklok ilo an aoleb bōk jibañ in ejmour. Emōj an Oregon Health Authority (OHA) elo melele jen armij ro ilobelej im rej kajitōk an OHA kōjeral kōmelim in ear kōkkāāl ñan aer kajeoñ bwe en lablok an ejellok kalijeklok ilo jikin jeral in ejmour eo. Kin mennin, OHA ej lemaanlok oktak in kakien ko an kien eo an federal kim ej tōmak renaj kōmman jikin jeral in ejmour ko rekāāl, im bareinwōt jolok kalijeklok ko rar jino jen etto im raan kein im rej kōmman an wōr kalijeklok kin ejmour.

Kōtōbar eo elab an kōmelim in ej ñan kōlablok an ejellok kalijeklok, ekoba kakoba aurok ko an ro mōttad ilo Bwij ko kin:



Kōlab joñan an woñmaanlok im ejellok kalijeklok ilo an aoleb maron bōk jibañ



Kōkmanmanlok jemlok in ejmour ko ilo an kōjejet oktak ko ilo mour im injuran



Emakūt ñan juon bajet eo ekkar ñan aurōk an lalin, im lelok rōjañ ñan kejbarok eo ejellok kalijeklok



Kōkmanmanlok ejmour kin joortoklik ko rej lale an ejellok kalijeklok im jukjuginbed ko rej tel

Kōlab joñan an woñmaanlok im ejellok kalijeklok in bōke injuran in taktō

Enaj wōt kin injuran in taktō eo ej woñmaanlok im ejellok kalijeklok ilo an armij maron bōke ñan aer bōk kejbarok eo rej aikujki im bed wōt ilo aer ejmour. Kim jelā ke armij ro rejab mouj kilier im jukjuginbed ko elabtata uwōta kin bōd in jeral ko ñan armij emōj aer kōmman joñan injuran in taktō ko rediklok. Kōtōbar eo amim enaj kabōk in jolok kalijeklok ilo an armij maron bōk jibañ kin bebe ko rej kōlablok injuran im jerbla in jibañ ko ñan aoleb ajiri im rūtto eo emaron tōbrak ilo Oregon.

BAR RIIT LABLOK

Kōkmanmanlok jemlok ko kin ejmour kin kōjejet oktak ko ilo mour im injuran

Melele ko rej kwalok ke ro uwaan doulul eo im rebed ilo jikin ko elab uwōta ekkā aer luuji injuran ko aer im aer maron bōk jibañ ilo ien oktak ko an mour ko aer im ilo oktak kein ikōtaan kein jeral ko, einwōt bed ilo jikin kalbuk ak aujbitol ko an state. Bōjrak kein elab aer kakkure armij eo im jikin jeral eo. Ilo aer lelok jejetin pakij in jibañ ko ekoba kaitōklok an maron tōbrak armij ro uwaan doulul eo im rej iten oktak, jemaron lolorjak an wōr wōt aer injuran, wōr abañ ko aurōk ilo jikin ñan aikuj in ejmour ko retōbrak im aer maron wōt bōk jibañ im wūno, im aliktata enaj kōkmanmanlok jemlok ko ikijen ejmour. BAR RIIT LABLOK

Emakūt ñan juon bajet ekkar ñan aurōk eo an lalin

Oktak jen state ko jet, emōj an Oregon lab an kakwōn jāān jen kōtōbar eo ad ñan Medicaid. Madmōdin CCO eo amim ej kōjberbal wāween ko rekāāl im emmon wonneir. Ñan kejbarok im kōlablok tōbrak ko amim, kim aikuj woñmaanlok in kōmmane juon jikin jberbal eo ej lelok nebar ilo an jolok jāān ñan jolok kalijeklok ilo ejmour im kōkmanmanlok ejmour ko an armij in jukjukinbed ko im jab jolok wōt ñan madmōd im jberbal in jibañ in taktō ko wōt. BAR RIIT LABLOK

Lelok rōjañ kin kejbarok eo ejellok kalijeklok

Mōtal in kōlaajrak kejbarok eo amim ear kōmman ilo an lelok rōjañ kin joñan emmon im an armij maron bōke. Ro uwaan OHP im ro uwaan jukjukinbed emōj aer woñmaanlok in ba ñan kim ke ejellok kalijeklok aikuj men eo rej lale ilo aoleben jikin jberbal eo. Kim naj kōkkāāl bōnōbōn in CCO ko amim ñan lale joñan emmon ko jen etto im an armij maron bōke ejmour eo ediklok im bar kōmmane juon mōttan kāāl ej lale an ejellok kalijeklok ilo jberbal ko an CCO ñan kōlablok wāween ko kin ejmour. Ilo ad bōk kūltien wāween kein emaron naj kōmman tōbrak eo elab ñan juon jikin jberbal eo elablok an ejellok kalijeklok ilo ejmour. BAR RIIT LABLOK

Kōkmanmanlok ejmour kin joortoklik ko rej lale an ejellok kalijeklok im jukjukinbed ko rej tel

Jikin jberbal eo amim enaj lablok an lelok joortoklik ilo kōtōbar ko an jukjukinbed ñan lale abañ ko ilo jikin ko armij rej bed ie ñan ejmour im rej kōmman kalijeklok kin ejmour. Kin joortoklik ko rej lale an ejellok kalijeklok, kim naj ajej jāān im kajur in kōmman jemlok ñan jukjukinbed ko. Ilo ad lale an ejellok kalijeklok, kim ej tōmak kim maron kōjberbal jāān in ñan lale joñan abañ ko relablok ikijen ejmour im kalijeklok ilo ejmour. BAR RIIT LABLOK

OHA ej tiljek in jberbal ibben

Bwij ko Ruwatimjuon ilo Oregon im Kien eo an Federal ej Kile, im Burokraam in Ejmour eo an Indian ilo Jikin ko Bukon (Urban Indian Health Program, UIHP) ñan kalikar men ko rej jibañ lolorjak kōtōbar in ejmour ko an Bwij renaj tōbrak ilo ien aer kile wāween madmōd ko an bwij jen etto im dābij an kien ko ruo jberbal ibben doon.

OHA ej tiljek ke jekjek ko ilo kakien ko amim renaj kōmman juon kōkkaal in Kōmelim ej Lale Wāween ko Rekāāl 1115(a) im ej kaurōk an ejellok kalijeklok, lelok rōjañ ñan jolok jaan ilo an jejjet lok, komman kokmanmanlok ko ewor tokjeir nan Medicaid nan aoleb armij ilo Oregon. Kōmelim in kōkkāāl in amim ej juon mōttan eo aurōk ilo bebe eo an aoleben state emōj kōmmane ñan kaurōk bwe en ejellok kalijeklok ilo an kōlablok injuran, kōkmanmanlok joñan kejbarok in ejmour im kadiklok wonnen ko.

Emōj an OHA bedbed ion meelele ko raurōk ilo kakien kein kin meelele ko rar itōk jen armij in jikin eo iomwin eloñ yiō ko remootlok. Kim ej bedbed ion armij ro ewōr kwōnaer im armij in jikin eo ñan kōjellā kin kakien ko kim ej lemaanlok ñan an woñmaanlok ad kōkmanmanlok Oregon Health Plan ilo wāween ko rej kōkmanmanlok ejmour im mour ko an armij ro ilo Oregon. Kim ej karuwanene am letōk meelele kin wāween ad tōbar kakien ko emōj kalikar ijin loñ im ilo beba kin meelele ko raurok. Kwōmaron kebaak kim in letōk meelele jabdewōt ien ilo email

1115WaiverRenewal@dhsosha.state.or.us ak ilo am etal ñan kwelok eo an aoleb armij ñan am lelok enaan. Kwōmaron loe juon kōlantā kin ien kwelok ko ibben aoleb armij ilo webbeij eo amim Oregon.gov/1115WaiverRenewal.

Kwōmaroñ bōk beba in ilo bar jet kajin, jeje ko relab, jeje ko an ribilo ak ilo juon wewein ko kwōkōñaan. Kebaak Burokraam in Kebaak Kumi ko Rej Jerbal Ibben Doon ilo Jukjukinbed ilo community.outreach@dhsosha.state.or.us ak ilo am kūrlok 1-833-647-3678. Kimij ebōk aolep kall ko rej itok kin kein jibañ ak kwōmaroñ jibed 711.

Melele eo an Oregon kin ejellok kalijeklok kin ejmour

Oregon enaj kōmmane juon jikin kein jermal in ejmour ej kōmman an joñan wōt juon ikijen ejmour ilo ien eo aoleb armij remaroñ tōbare aoleben joñan ejmour im ainemmon eo remaroñ im rejab jerata kin lal, jowi, kajin, utamwe, kōrā ak emmaan, aer mour einwōt rej kora ak emmaan, aer kōnaan kōrā ak emmaan, joñaer ilo jukjukin bed, jikin kakoba ikōtaan jukjukin bed kein ak aer kowalok kajier, ak jekjek ko jet emōj loi ilo jikin eo.

Tōbar an joñan wōt juon ikijen ejmour ej aikuj an aoleb jikin in kilaaj ko an state eo wōnmaanlok im karejar ibben doon, ekoba kien ko an tribe ko ñan ioone:

- Bwe en joñan wōt juon aer ajej ak bar ajej mennin jibañ im kajur; im
- Kile, bar errā ibben doon, im kajimweik bōd ko jen tōre ko maanlok im an raan kein.